

Ils adversaris ein s'organisai

Organisaziuns dils catschadurs, purs ed uaul cumbattan l'iniziativa encunter la catscha speciala

DA HANS HUONDER / ANR

■ L'Uniun dils catschadurs da patenta dil Grischun, l'Uniun dils purs grischuns e l'organisaziun forestala Selva han fundau communablamein in comite encunter l'iniziativa d'abolir la catscha speciala. Igl ei previu differentas activitads. Cun in flyer ellas gassetas dallas treis organisaziuns vegnan ils com-members sensibilisai per la votaziun ch'ha liug ils 19 da matg 2019. Medemamein ha il comite scaffiu ina pagina d'internet cun biars detagls davart il cumbat da quell'iniziativa dil pievel. Alla radunanza dils presidents dallas sezioni dils catschadurs la sonda ei vegniu orientau davart la campagna. Sco quei ch'il president dall'Uniun cantunala dils catschadurs, *Robert Brunold*, ha detg sin damonda dall'Agentura da novitads rumantscha vegn la campagna encunter quell'iniziativa a custar rodund 150 000 francs. Ils catschadurs persuls mettan a disposiziun persuenter 70 000 francs. «Nus sperein che nus surveignen aunc enqual do-



Tenor ils catschadurs, purs e possessurs d'uaul dil Grischun ei ina catscha d'atun da tscharvas il november e december necessaria era igl avegnir.

FOTO E. MONN

naziun, aschia ch'ils cuosts dues-sen esser pli bass per las treis organisaziuns», di Brunold. L'iniziativa ei vegnida tractada dil cussegl

grond il december passau suenter che la Dertgira federala haveva decidiu ch'ella stoppi vegnir suttamessa al pievel. Il parlament

cantunal recamonda da refusar el-la.

➤ COMMENTARI E PAGINA 3

Catschadurs, purs e possessurs d'uaul ein mobilisai

La campagna encunter l'iniziativa d'abolir la catscha speciala ei lantschada

DA HANS HUONDER / ANR

■ Ils 19 da matg 2019 ei il suveran grischun clamaus all'urna per decider davart l'iniziativa encunter la catscha speciala. Suenter il viriveri giudizial duei ussa vegnir decidiu definitivamein schebein ei duei dar egl avegnir ina catscha speciala ni buc. Ella pertucca en emprema lingia la regulaziun dil grond diember da tscharvas. L'iniziativa encunter la catscha d'atun ei vegnida inoltrada ils 21 d'uost 2013 alla canzlia cantunala. 10 229 vischinas e vischins han suttascret quella. Necessarias fussen stadas 3000 suttascripiuns. L'iniziativa pretenda ina midada dalla lescha da catscha cantunala. Igl artechel 11 duei vegnir midaus en quei senn ch'ils plans da catscha vegnan contonschi en cuort temps, en mintga cass denton duront la catsch'aula ordinaria. En quei connex duei era vegnir risguardau ina catscha els asils per aschia contonscher la regulaziun necessaria senza ina catscha speciala. Il temps da catscha ei da fixar aschia che la catsch'aula cuoza duront maximalmein 25 dis duront il settember ed igl october cun la pusseivladad d'ina interrupziun dalla catscha da silmeins treis dis in suenter l'auter. Sin fundament da pareris extens ha la regenza allura proponiu al cussegli grond d'annullar l'iniziativa. Lez ei suandaus la regenza e sin fundament da quei conclus han ils iniziants recurriu encunter quella decisiun tier la Dertgira administrativa. Lezza ha susteniu il cussegli



Il president dall'Uniu cantunala dils catschadurs da patenta dil Grischun, Robert Brunold.

FOTO H. HUONDER

grond. Pils iniziants ei la caussa lu tonaton buca stada liquidada e lur recuors encunter quella decisiun ei vegnius acceptaus dalla Dertgira federala. L'iniziativa seigi da suttametter al pievel. Aschia ha il

cussegli grond danovamein giu da sefatshentar dall'iniziativa ed il decembre vargau ha el decidiu cun gronda maioria d'uaul fan valer in tschuppel arguments encunter l'iniziativa: «Ella ei malsegira e cun con-

Il cumbat entscheiva

Ils proxims rodund treis meins vegn l'iniziativa, respectivamein las pretensiuns da quella, a daventat tema da discussiun intensiv el Grischun. Per esser semtgai per la debatta publica ein l'uniu dils catschadurs da patenta, l'uniu dils purs e l'organisaziun forestala Selva semessas ensemen e coordineschan lur agir. Aschia han las treis instituziuns fundau in comite encunter l'iniziativa e quel vegn tgamunaus communablamein da *Robert Brunold* e *Tarzisius Caviezel*, il president ed il vicepresident dall'Uniu cantunala dils catschadurs. «La finamira ei da rimnar denter 600 e 700 suttascripiuns. Biebein 400 havein nus gia», di Brunold. Denter quels sesanflan era prominentesco ils cussegliers naziunals *Duri Campell* e *Martin Candinas* ni il cusseglier dils stans *Stefan Engler*. La campagna che consista d'ina pagina d'internet detagliada davart ils motifs da refusar l'iniziativa sco era ulteriuras acziuns publicas cuosta in tschuat daners. «Nus quintein cun cuosts denter 130 000 e 150 000 francs. L'Uniu cantunala dils catschadurs metta a disposiziun persuenter 70 000 francs, quella summa ei dil reminent approbada dalla suprastanza centrala», di Brunold.

Consequenzas fatalas

Las treis organisaziuns cantunala dils catschadurs, purs e possessurs d'uaul fan valer in tschuppel arguments encunter l'iniziativa: «Ella ei malsegira e cun con-

sequenzas fatalas.» Aschia la problematica che biars animals muressen igl unviern el stress d'anflar vivonda, el cumbat per spazi da viver ni malsognas. In ulteriur problem ein tenor las organisaziuns ils donns che la selvaschina caschuna vid igl uaul ni lu era il prighel ch'ella savess de rasar malsognas era tier ils animals da casa, conflicts cun il territori habitat ed accidents da traffic. Ina catscha organisada dil stadi – pia ina catscha da reschia – ed experiments buca necessaris en disfavor digl uaul, la selvaschina e l'agricultura seigi negina soluziun. Tenor las treis organisaziuns ei la natira grischuna intacta e da gronda varietad da fauna e flora. Cun lur lavur da cultivaziun contribueschien ils purs essenzialmein alla tgira dalla cuntrada cultivada ed aschia alla varietad ecologica. En lavur cumina s'engaschien ils catschadurs en favur da zonas da ruaus e la tgira da biotop. Cun la catscha adempleschien els in'ulterura impurtonta funcziun: «Els adatteschian la populaziun dils animals selvadis al spazi da viver.» Ils davos onns ei il diember da tscharvas s'augmentaus el cantun Grischun. Quei svilup seigi d'attribuir alla gronda populaziun viandonta: «Tscharvas dils cantuns vischinonts e digl exterior vischinont arriyan tard igl atun ed igl unviern el Grischun. Damai ch'ellas arrivan pér lu cheu san ellas buca vegnir sittadas duront la catsch'aula il settember.» Per saver regular la populaziun dallas tscharvas seigi ina catscha d'atun il november e december per quei motiv necessaria.